

Na osnovu člana 42. Statuta KJP „Poljoprivredno dobro Butmir“ doo Sarajevo – Ilidža, člana 20.a Zakona o radu FBiH („Službene novine FBiH“, broj: 26/16 i 89/18), člana 3. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“, broj: 9/19), a u skladu s Pravilnikom o radu KJP „Poljoprivredno dobro Butmir“ doo Sarajevo – Ilidža i saglasnosti za prijem radnika Ministarstva privrede Kantona Sarajevo, broj: 07-05-34-17500/19 od 22.04.2019. godine i Odluke o raspisivanju Javnog konkursa za prijem radnika na određeno vrijeme, broj: 01-5-80/2019 od 15.05.2019. godine i Odluke o izmjenama i dopunama Javnog konkursa broj:01-5-89/2019 od 17.05.2019. godine, direktor KJP „Poljoprivredno dobro Butmir“ doo Sarajevo – Ilidža, raspisuje:

**IZMJENE I DOPUNE JAVNOG KONKURSA
za prijem radnika u radni odnos u KJP „Poljoprivredno dobro Butmir“ doo Sarajevo – Ilidža
na određeno vrijeme na period od 1 (jedne) godine**

Član 1.

U tekstu Javnog konkursa za prijem radnika u radni odnos u KJP „Poljoprivredno dobro Butmir“ doo Sarajevo – Ilidža na određeno vrijeme na period od 1 (jedne) godine, objavljenog dana 17.05.2019. godine u dnevnim novima „Oslobođenje“ i dana 16.05.2019.godine na web stranici Javne ustanove „Služba za zapošljavanje Kantona Sarajevo“ Sarajevo iza naslova dodaje se stav koji glasi:

„Osnovni podaci o pravnom licu koje objavljuje javni oglas:

Naziv: KJP „Poljoprivredno dobro Butmir“ doo Sarajevo – Ilidža

Sjedište: Bojnička broj 119

Internet adresa: www.pdbutmir.com „

Član 2.

U dijelu I KANDIDATI TREBAJU DA ISPUNJAVAJU SLJEDEĆE USLOVE tačka 1. Opšti uslovi tačka 3. mijenja se i glasi:

„ 3. da ima opću zdravstvenu sposobnost za obavljanje poslova radnog mjesta“

Član 3.

U dijelu I KANDIDATI TREBAJU DA ISPUNJAVAJU SLJEDEĆE USLOVE tačka 2. Posebni uslovi tačka 2. mijenja se i glasi:

„ 2. najmanje 2 (dvije) godine radnog iskustva, od toga najmanje 6 (šest) mjeseci na istim ili sličnim poslovima.“

Član 4.

U dijelu I KANDIDATI TREBAJU DA ISPUNJAVAJU SLJEDEĆE USLOVE tačka 3. Prednost pri zapošljavanju mijenja se i glasi:

„- Prilikom zapošljavanja potrebno je dati prednost kandidatima koji po posebnom zakonu imaju prioritet u zapošljavanju.

-Prioritet u zapošljavanju kandidati dokazuju odgovarajućim dokumentima (potvrda, uvjerenja i sl) koje prilažu prilikom prijave na javni oglas, pozivajući se na poseban zakon po kojem imaju prednost.“

Član 5.

U dijelu III SADRŽAJ PRIJAVE stav (1) tačka f) mijenja se i glasi:

„f) Izvod iz matične knjige rođenih koji nije stariji od 3 mjeseca, izuzev ukoliko se radi o dokumentu koji je trajnog karaktera“

Član 6.

U dijelu III SADRŽAJ PRIJAVE stav (1) tačka g) se briše, a dosadašnji tačka h) postaje tačka g).

Član 7.

U dijelu III SADRŽAJ PRIJAVE iza tačke g) dodaje se stav (2) koji glasi:

„Po okončanju procedure kandidati koji budu izabrani bit će o tome obaviješteni pismenim putem, nakon čega su obavezni dostaviti ljekarsko uvjerenje nadležne zdravstvene ustanove, koje nije starije od šest mjeseci i uvjerenje da se protiv istog ne vodi krivični postupak koje nije starije od šest mjeseci, kako bi se sa istim zaključio ugovor o radu.“

Član 8.

U dijelu V NAČIN I ROK OBAVJEŠTAVANJA riječi „o imenovanju“ se brišu.

Član 9.

U članu 2. iza riječi „Oslobođenje“ dodaju se riječi „ web stranici KJP „Poljoprivredno dobro Butmir“ doo Sarajevo – Ilidža : www.pdbutmir.com “.

Član 10.

Ostale odredbe Javnog konkursa ostaju iste.

DIREKTOR

Elvir Resić, mr.sci.